



UGOVOR o javnoj nabavci ručnog, reznog i mjernog alata

Ugovorne strane:

KJKP Sarajevogas d.o.o. Sarajevo, ul. Trg Fadile Odžaković Žute br. 4, 71000 Sarajevo, BiH
Koga zastupa: V.D. Direktor Preduzeća Samir Pajević, dipl.ing.maš. (u daljem tekstu: Kupac)

i

UNIOR TEHNA d.o.o., ul. Bačići 58, 71000 Sarajevo, BiH
Koga zastupa: Direktor Sead Ruhotina (u daljem tekstu: Prodavac)

Član 1.

Predmet ovog Ugovora je isporuka ručnog, reznog i mjernog alata po provedenom konkurentskom postupku nabavke broj KN-05-13/20. Prodavac je dostavio ponudu broj: 20-PON-007420 prema obrascu za cijenu ponude, Aneksu III, koji je priložen ovom ugovoru i predstavlja njegov sastavni dio.

Član 2.

Ugovorna vrijednost robe iz člana 1. ovog ugovora Fco skladište Kupca, bez PDV-a iznosi: **20.677,19 KM** (slovima dvadesethiljadašeststotinasedamdesetsedam i 19/100 KM). Jedinične cijene su fiksne i neće se mjenjati u toku trajanja ovog ugovora.

Član 3.

Prodavac će robu iz člana 1. isporučiti u roku od 30 (trideset) dana od prijema narudžbe Kupca. Uz dostavljenu robu Prodavac se obavezuje dostaviti tehnička uputstva za upotrebu uređaja iz obrasca za cijenu ponude (Aneks III), koja moraju imati odgovarajući prevod na jedan od zvaničnih jezika u BiH, kao i garantne listove. Prodavac, takođe, za isporučenu robu mora imati odgovarajući servis na teritoriji BiH. Ugovorne strane su saglasne da se kvalitativni i kvantitativni prijem isporučene robe izvrši u skladištu Kupca. Komisija će sačiniti Zapisnik o kvantitativnom i kvalitativnom prijemu robe.

Član 4.

Prodavac će fakturisanje isporučene robe vršiti po jediničnim cijenama iz obrasca za cijenu ponude, Aneksa III, priloženog uz ovaj ugovor. Kupac će plaćanje izvršiti na transakcijski račun, naznačen na fakturi Prodavca, u roku od 30 (trideset) dana od dana prijema robe i prijema uredno ispostavljene fakture.

Član 5.

Prodavac nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja Kupca.

Član 6.

Ukoliko se Prodavac ne bude pridržavao odredbi o roku isporuke, utvrđenih u članu 3 ovog ugovora, Kupac zadržava pravo da zaračuna penale u iznosu od 1% za svaku sedmicu kašnjenja, ali tako da cjelokupan iznos penala ne može biti veći od 5% ukupne vrijednosti ugovora.

Član 7.

Ukoliko Kupac u ugovorenom roku iz člana 4. ovog ugovora ne plati cijenu za isporučenu robu obavezan je Prodavcu isplatiti i zateznu kamatu u skladu sa zakonom i drugim propisima koji uređuju ovaj institut.



Član 8.

Ovaj ugovor se zaključuje na period od (jedne) godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu pismeno sa otkaznim rokom od 30 (trideset) dana.

Član 9.

Ugovorne strane su saglasne da Prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bila angažovana kao članovi ili stručna lica u Komisiji za nabavke nadležnoj za dodjelu navedenog ugovora o javnoj nabavci.

Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 10.

Na sve odnose i institute koji nisu navedeni u ugovoru, a pojave se prilikom realizacije, primjenjivati će se odgovarajuće odredbe Zakona o obligacionim odnosima.

Član 11.

Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka.

Član 12.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavat će nadležni sud u Sarajevu.

Za Prodavca:

Direktor

Rehman Saeed
Sead Ruhotina

Broj i datum ugovora, 17.07.2020.

Za Kupca:



Direktor Preduzeća

Samir Pajević dipl. ing. maš.

Izvršni direktor

Alisa Konaković, dipl. iur.

Broj i datum ugovora, 161/20
23-07-2020

ST. SAR. ZA PROD. I MAD.
HUSIĆ MIRSADA lucic